

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj:01/6-02-297/23-1
Sarajevo: 25.01.2023. godine

25-01-2023			
Broj	Prilog	Vrijednost	

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Komisija za izbor i imenovanje Predstavničkog doma Parlamenta Federacije Bosne i Hercegovine je na 1. sjednici, održanoj 23.01.2023.godine i na nastavku sjednice, održane 25.01.2023. godine razmatralo slijedeći:

DNEVNI RED

1. Konstituiranje Komisije za izbor i imenovanje
2. Prijedlog Odluke o izmjenama Odluke o imenovanju Radne grupe za provođenje postupka izbora sudije Ustavnog suda Bosne i Hercegovine kojeg bira Predstavnički dom
3. Prijedlog Odluke o sastavu Komisije za evropske integracije
4. Izbor članova u Zajedničku radnu grupu komisijâ za izbor i imenovanje oba doma Parlamenta FBiH
5. Prijedlog odluke o osnivanju i imenovanju članova u Zajedničku komisiju za provođenje procedure u vezi imenovanja generalnog revizora i zamjenika generalnog revizora
6. Tekuća pitanja.

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi slijedeći:

IZVJEŠTAJ

AD-1

Konstituiranje Komisije za izbor i imenovanje

Komisija za izbor i imenovanje je konstituirana Odlukom o izboru predsjednika, zamjenika predsjednika i članova radnih tijela u Predstavničkom domu Parlamenta Federacije Bosne i

Hercegovine, koja je donesena 11.1.2023. godine, a na današnjoj prvoj sjednici je to potvrđeno i formalno, učestvovanjem deset članova.

AD-2

Prijedlog Odluke o izmjenama Odluke o imenovanju Radne grupe za provođenje postupka izbora sudija Ustavnog suda Bosne i Hercegovine kojeg bira Predstavnički dom

Mato Tadić, bivši predsjednik Ustavnog suda BiH je pokrenuo postupak za izbor novog sudije Ustavnog suda BiH kojeg bira Predstavnički dom Parlamenta FBiH, 14.2.2022.godine, zbog ispunjavanja uvjeta za starosnu penziju.

U prošlom mandatu Predstavnički dom je otpočeo sa procedurom izbora sudija Ustavnog suda BiH, na način da je u skladu sa Ustavom BiH i Odluci o postupku izbora sudija Ustavnog suda BiH koje bira Predstavnički dom PFBiH imenovao Radnu grupu od pet članova, a to su: Mladen Bošković, predsjednik; Ismet Osmanović, član i Samer Rešidat, član ispred Komisije za izbor i imenovanje Predstavničkog doma Parlamenta Federacije Bosne i Hercegovine i dva člana ispred Udruženja sudaca/sudija Federacije Bosne i Hercegovine: Hakija Zajmović, član i Božana Banduka, član..Radna grupa je održala tri sjednice, na kojima je utvrdila uvjete konkursa, objavila Javni konkurs i pregledala pristigle prijave.

S obzirom da su zadnje aktivnosti Radne grupe bile neposredno pred prestanak mandata članova prošlog saziva Predstavničkog doma Parlamenta Federacije Bosne i Hercegovine, Radna grupa je prekinula rad, jer je isticao mandat tri člana Komisije za izbor i imenovanje. Iz tog razloga je potrebno izvršiti izmjene odluke, kojom bi se razriješila tri dosadašnja člana i na njihovo mjesto imenovala tri člana iz ovog saziva. Nova Radna grupa bi nastavila sa radom gdje je stala prethodna, a to je zakazivanje razgovora sa kandidatima, sačinjavanje rang-liste po njihovim sposobnostima, te odabrane kandidature proslijediti Komisiji za izbor i imenovanje Predstavničkog doma.

Predsjednici Klubova u Predstavničkom domu su dostavili Komisiji za izbor i imenovanje svoje prijedloge za imenovanje: **Aner Žuljević**, ispred SDP BiH; **Mladen Bošković**, ispred HDZ BiH-HNS; **Irfan Durić**, ispred Kluba SBiH i NES-a; **Eldar Čomor**, ispred SDA; **Rasim Smajlović**, ispred NiP-a.

Članovi Komisije za izbor i imenovanje su sa devet glasova "Za", jednim glasom "Protiv" i bez suzdržanih glasova odlučili da u ovu Radnu grupu imenuju umjesto tri člana kojima je istekao mandat: **Mladena Boškovića, za predsjednika; Irfana Durića i Rasima Smajlovića, za članove** ispred Komisije za izbor i imenovanje.

Ispred Udruženja sudaca /sudija Federacije BiH u ovoj Radnoj grupi nastavljaju sa radom sudija Hakija Zajmović i Božana Banduka.

Komisija za izbor i imenovanje predlaže Predstavničkom domu **Prijedlog Odluke o izmjenama Odluke o imenovanju Radne grupe za provođenje postupka izbora sudije Ustavnog suda Bosne i Hercegovine kojeg bira Predstavnički dom**, radi donošenja.

U prilogu izvještaja: Prijedlog Odluke

AD-3.

Prijedlog Odluke o sastavu Komisije za evropske integracije Predstavničkog doma

Komisija za evropske integracije čine članovi Kolegija Predstavničkog doma Parlamenta Federacije Bosne i Hercegovine. Predsjednik Komisije je predsjedavajući Predstavničkog doma, a potpredsjedavajući Predstavničkog doma su zamjenici.

Komisija za izbor i imenovanje Predstavničkog doma je jednoglasno odlučila da predloži Predstavničkom domu **Prijedlog odluke o sastavu Komisije za evropske integracije Predstavničkog doma Parlamenta Federacije BiH**, radi donošenja.

U prilogu izvještaja :Prijedlog Odluke

AD-4

Izbor članova u Zajedničku radnu grupu komisijâ za izbor i imenovanje oba doma Parlamenta FBiH

Zajednička radna grupa komisija za izbor i imenovanje oba doma Parlamenta FBiH se formira radi lakšeg provođenja procedura konkursa, kojima je zakonom propisano da su nadležnost Parlamenta FBiH.

Ona se sastoji od tri člana iz Komisije za izbor i imenovanje Predstavničkog doma i tri člana iz Komisije za izbor i imenovanje Doma naroda od kojih bi predsjednik i zamjenik predsjednika bili iz različitih domova, koji bi se rotirali.

Klubovi stranaka u Zastupničkom domu su dostavili šest prijedloga za članove Radne grupe ispred Predstavničkog doma. To su: **Gabela Edina**, ispred Stranke za BiH; **Mladen Bošković**, ispred HDZ BiH-HNS; **Dajana Čolić**, ispred DF/GS; **Rasim Smajlović**, ispred NiP; **Damir Mašić**, ispred SDP BiH i **Dragan Mioković**, ispred Naše stranke.

Nakon rasprave, Povjerenstvo je sa devet glasova „Za“ i jednim glasom „Protiv“ donijelo **Zaključak**, da u Zajedničku radnu skupinu iz Povjerenstva za izbor i imenovanje Zastupničkoga doma Parlamenta Federacije Bosne i Hercegovine imenuje sljedeće članove:

Damira Mašića, Edinu Gabelu i Mladena Boškovića.

Ovaj Zaključak se prosljedjuje Domu naroda, na daljnje postupanje.

AD-5

Prijedlog odluke o osnivanju i imenovanju članova u Zajedničku komisiju za provođenje procedure u vezi imenovanja generalnog revizora i zamjenika generalnog revizora

Zakonom o reviziji institucija u Federaciji Bosne i Hercegovine (”Službene novine Federacije BiH”, broj.22/06) je propisano da generalnog revizora i zamjenika generalnog revizora imenuje Parlament Federacije Bosne i Hercegovine, na prijedlog Predsjednika Federacije Bosne i Hercegovine, na način da Parlament FBiH imenuje Komisiju za izbor od šest članova iz oba doma Parlamenta FBiH. Dva člana ove Komisije moraju biti iz reda opozicionih stranaka. Komisija utvrđuje ispunjavaju li svi kandidati uvjete konkursa, ocjenjuje kandidate koji ispunjavaju uvjete konkursa i utvrđuje rang-listu kandidata i dostavlja Predsjedniku Federacije Bosne i Hercegovine.

Mandat generalnom revizoru i zamjeniku generalnog revizora istječ krajem februara 2023. godine., a traje sedam godina.

Klubovi stranaka u Predstavničkom domu su dostavili sljedeće prijedloge za imenovanje članova ove Komisije, ispred Predstavničkog doma. To su:

Delfa Dejanović, ispred kluba HDZ BiH-HNS; **Amra Junuzović-Kaljić**, ispred NiP-a; **Elvir Karajbić**, ispred SDP BiH; **Dragan Mioković**, ispred Naše stranke „Alma Kratina“, ispred DF/GS i **Adnan Efendić**, ispred SDA.

Potrebno je da Dom naroda potvrdi tri člana iz Predstavničkog doma i dostavi svoja tri člana Predstavničkom domu.

Izbor članova ove komisije se smatra obavljenim kad oba doma Parlamenta Federacije donesu odluku o izboru članova ove komisije u istovjetnom tekstu.

Komisija za izbor i imenovanje sa devet glasova „Za“ i jednim glasom „Suzdržan“ odlučila da u Komisiju za izbor ispred Predstavničkog doma imenuje **Delfu Dejanović**, **Dragana Miokovića** i **Adnana Efendića**, koji je iz reda opozicione stranke, te predlaže Predstavničkom domu **Prijedlog odluke o osnivanju i imenovanju članova u Zajedničku komisiju za provođenje procedure u vezi imenovanja generalnog revizora i zamjenika generalnog revizora**, radi donošenja.

U prilogu izvještaja: Prijedlog Odluke

AD-6


Tekuća pitanja

O ovoj tački dnevnoga reda nije bilo rasprave.

U skladu sa članom 53. Poslovnika, za izvjestioca na sjednici Predstavničkog doma Parlamenta Federacije BiH je određen **Mladen Bošković**, predsjednik Komisije.

PREDSJEDNIK KOMISIJE

Dr. Mladen Bošković



PRIJEDLOG

Na osnovu člana VI.1. a) Ustava Bosne i Hercegovine i tačke III. Odluke o postupku izbora sudija Ustavnog suda Bosne i Hercegovine koje bira Predstavnički dom Parlamenta Federacije Bosne i Hercegovine („Službene novine Federacije BiH“, broj: 6/05), čl. 62. i 152. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br.69/07, 2/08 i 26/20), Predstavnički dom Parlamenta Federacije Bosne i Hercegovine, na sjednici održanoj 2023. godine, donio je

ODLUKU

**O IZMJENAMA ODLUKE O IMENOVANJU ČLANOVA RADNE GRUPE ZA
PROVOĐENJE POSTUPKA IZBORA SUDIJE USTAVNOG SUDA BIH KOJEG BIRA
PREDSTAVNIČKI DOM PARLAMENTA FEDERACIJE BOSNE I HERCEGOVINE**

I.

U tački I. Odluke, članovi Komisije za izbor i imenovanje Predstavničkog doma Parlamenta Federacije Bosne i Hercegovine kojima je istekao mandat: predsjednik Mladen Bošković i članovi Ismet Osmanović i Samer Rešidat razrješuju se dužnosti iz Radne grupe, a umjesto njih imenuju se: Mladen Bošković- predsjednik, te Irfan Durić i Rasim Smajlović, članovi. Članovi ispred Udruženja/udruge sudija Federacije Bosne i Hercegovine :Hakija Zajmović i Božana Banduka ostaju članovi ove Radne grupe.

II.

Zadatak ove Radne grupe je da nastavi započetu konkursnu proceduru za izbor sudije Ustavnog suda Bosne i Hercegovine: obavi razgovore sa kandidatima, sačini rang-listu po njihovim sposobnostima, te odabrane kandidature proslijedi Komisiji za izbor i imenovanje Predstavničkog doma.

III.

Ova Odluka stupa na snagu danom donošenja, a bit će objavljena u „Službenim novinama Federacije BiH“.

PF broj.
----2023.godina
S a r a j e v o

**PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BiH**

Mirjana Marinković-Lepić

PRIJEDLOG

Na osnovu člana 152. stava 2. a u vezi sa članom 56. stavom 1. tačkom 3 a. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07, 2/08 i 26/20), Predstavnički dom Parlamenta Federacije Bosne i Hercegovine na sjednici održanoj, 2023. godine, donio je:

O D L U K U

O SASTAVU KOMISIJE ZA EVROPSKE INTEGRACIJE PREDSTAVNIČKOG DOMA PARLAMENTA FEDERACIJE BOSNE I HERCEGOVINE

I.

Sastav Komisije za evropske integracije Predstavničkog doma Parlamenta Federacije Bosne i Hercegovine čine članovi Kolegija: predsjedavajući Predstavničkog doma, dva potpredsjedavajuća Predstavničkog doma, predsjednici klubova zastupnika političkih stranaka zastupljenih u Predstavničkom domu i sekretar Predstavničkog doma.

Predsjedavajući Predstavničkog doma je, po funkciji, predsjednik Komisije, a potpredsjedavajući Doma su zamjenici predsjednika Komisije.

II.

Komisija za evropske integracije razmatra pitanja u vezi sa evropskim integracijama, njihov odnos s organima vlasti u Bosni i Hercegovini, prati usklađivanje propisa Bosne i Hercegovine i Federacije sa standardima Evropske unije, učestvuje u izradi studija koje se odnose na Bosnu i Hercegovinu i njen evropski put, te druge poslove propisane Poslovníkom Predstavničkog doma Parlamenta Federacije Bosne i Hercegovine.

III.

Ova odluka stupa na snagu danom donošenja, a bit će objavljena u "Službenim novinama Federacije B i H".

PD broj:
2023. godine
S a r a j e v o

**PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BiH**

Mirjana Marinković-Lepić

PRIJEDLOG

Na osnovu člana 24. tačke 3) Zakona o reviziji institucija u Federaciji Bosne i Hercegovine ("Službene novine Federacije BiH", broj :22/06), člana 54. Poslovnika Predstavničkog doma Parlamenta Federacije Bosne i Hercegovine i člana 52. Poslovnika o radu Doma naroda Parlamenta Federacije Bosne i Hercegovine, Parlament Federacije Bosne i Hercegovine, na sjednici Predstavničkog doma Parlamenta , održanoj _____ 2023. godine i na sjednici Doma naroda Parlamenta Federacije Bosne i Hercegovine, održanoj __ 2023. godine, donio je

ODLUKU

**O OSNIVANJU I IMENOVANJU ČLANOVA U ZAJEDNIČKU KOMISIJU
ZADUŽENU ZA PROVOĐENJE PROCEDURE U VEZI IMENOVANJA
GENERALNOG REVIZORA I ZAMJENIKA GENERALNOG REVIZORA**

I.

U Zajedničku komisiju zaduženu za provođenje procedure u vezi imenovanja generalnog revizora i zamjenika generalnog revizora , a koja se sastoji od šest članova iz oba doma Parlamenta Federacije Bosne i Hercegovine , od kojih dva člana moraju biti iz reda opozicionih stranaka , imenuju se:

- Iz Predstavničkog doma Parlamenta Federacije Bosne i Hercegovine :
 1. Delfa Dejanović, HDZ BIH-HNS
 2. Dragan Mioković, Naša stranka
 3. Adnan Efendić, Stranka demokratske akcije.

- Iz Doma naroda Parlamenta Federacije Bosne i Hercegovine:
 - 1.
 - 2.
 - 3.

Predsjednik i zamjenik predsjednika zajedničke komisije izabrat će članovi Komisije na svojoj prvoj sjednici.

II.

Komisija utvrđuje tekst konkursa , da li svi kandidati ispunjavaju potrebne uvjete, ocjenjuju kandidate koji ispunjavaju uvjete konkursa i utvrđuje rang-listu kandidata koju dostavlja predsjedniku Federacije Bosne i Hercegovine.

III.

Ova Odluka stupa na snagu danom donošenja, a bit će objavljena u "Službenim novinama Federacije BiH".

PF BiH broj:
2023. godine
Sarajevo

**PREDSJEDAVALJUĆI
DOMA NARODA
PARLAMENTA FEDERACIJE BiH**

Tomislav Martinović

**PREDSJEDAVALJUĆA
PREDSTAVNIČKOG DOMA
PARLAMENTA FEDERACIJE BiH**

Mirjana Marinković-Lepić